

FGM/C inarejelea taratibu zote zinazohusisha uondoaji wa sehemu au sehemu yote ya siri ya nje ya mwanamke au jeraha lingine kwa viungo vya uzazi vya mwanamke kwa sababu zisizo za kimatibabu. Inaweza kuitwa “tohara ya wanawake” katika sehemu fulani za ulimwengu. Kitendo hiki hakina manufaa yoyote ya kiafya na kinaweza kusababisha matatizo mbalimbali ya afya ya mwili na akili kwa muda mfupi na muda mrefu.

Ni nini matokeo ya kiafya ya FGM/C?

Shida za papo hapo zinaweza kujumuisha:

- Maumivu makali
- Kuvuja damu nyingi (kuvuja damu)
- Kuvimba kwa tishu za uke
- Homa
- Maambukizi kwa mfano, pepopunda
- Matatizo ya mkojo
- Matatizo ya uponyaji wa kidonda
- Jeraha kwenye tishu zinazozunguka sehemu za siri
- Mshtuko
- Kifo

Matatizo ya muda mrefu yanaweza kujumuisha:

- Matatizo ya mkojo (kukojoa kwa uchungu, maambukizi ya mfumo wa mkojo)
- Matatizo ya uke (kutokwa na uchafu, kuwasha, bakteria ya vaginosis na maambukizo mengine)
- Matatizo ya hedhi (hedhi yenye uchungu, ugumu wa kupitisha damu ya hedhi, nk).
- Kovu la tishu na keloid
- Matatizo ya ngono (uchungu wakati wa kujamiiana, kupungua kwa kuridhika, nk).
- Kuongezeka kwa hatari ya matatizo ya kuzaa (kujifungua kwa shida, kutokwa na damu nyingi, upasuaji, haja ya kumfufua mtoto, nk) na vifo vya watoto wachanga.
- Haja ya upasuaji wa baadaye
- Shida za kisaikolojia (huzuni, wasiwasi, mfadhaiko wa baada ya kiwewe, hali ya chini ya kujistahi, n.k.)

Kwa habari zaidi juu ya matokeo ya kiafya ya FGM/C, tafadhali tembelea Tovuti ya Shirika la Afya Duniani kwa <https://www.who.int/news-room/fact-sheets/detail/female-genital-mutilation>

Piga simu ya Msaada kwa mtoto wa Kitaifa Uyanyasaji wa Mtoto kwa 800-4-A-CHILD (800-422-4453) kwa habari au usaidizi ikiwa:

- Unaamini uko katika hatari ya FGM/C;
- Umekeketwa;
- Una maswali kuhusu FGM/C;
- Una taarifa kuhusu mtu ambaye anafanya FGM/C nchini Marekani; au
- Unamjua mtu ambaye anaweza kuwa hatarini ya FGM/C nchini Marekani au nchi nyingine.

Unaweza kuwa mstahiki fulani wa uhamiaji kwa faida ya wahasiriwa wa uhalifu au mateso ikiwa umefanyiwa FGM/C au unahofia kuwa uko katika hatari ya FGM/C.

Kwa habari zaidi, tembelea: uscis.gov/humanitarian/female-genital-mutilation-or-cutting-fgmc



U.S. Citizenship and Immigration Services

Ukeketaji au Kukatwa FGM/C



U.S. Citizenship and Immigration Services

Ikiwa umefanyiwa FGM/C:

- Sio kosa lako.
- Hujakiuka sheria zozote za Marekani kwa kufanyiwa utaratibu huo .
- Haitaathiri ustahiki wako wa kusafiri hadi Marekani au kupata manufaa ya uhamiaji kutoka kwa Marekani.

Watafiti katika Vituo vya Kudhibiti Magonjwa na Kitengo cha Kinga cha Afya ya Uzazi (CDC) inakadiria kuwa takriban wasichana na wanawake

500,000

nchini Marekani wamefanyiwa FGM/C hapo awali au wanaweza kuwa katika hatari ya kufanyiwa FGM/C katika siku zijazo.

Zaidi ya wasichana na wanawake milioni

200 walio hai leo wamekatwa katika nchi
30 katika

Afrika, Mashariki ya Kati na Asia ambapo ukeketaji umekithiri.

Ifikapo 2030, ikiwa utaratibu huu utaendelea katika viwango vya sasa, wasichana milioni

4.6 watakuwa katika hatari ya ukeketaji kila mwaka.

Serikali ya Marekani inapinga FGM/C.

Serikali ya Marekani inapinga FGM/C, bila kujali aina, kiwango, au ukali, na bila kujali ni motisha gani ya kuifanya. Serikali ya Marekani inaelewa kwamba FGM/C inaweza kufanywa kwa mujibu wa imani za kitamaduni na kama sehemu ya taratibu za unyago kwa watu wazima. Hata hivyo, serikali ya Marekani inachukulia FGM/C kama ukiukwaji mkubwa wa haki za binadamu, na aina ya ukatili wa kijinsia na unyanyasaji wa watoto.

Marekani imejitolea kukomesha FGM/C.

Kukomesha FGM/C ni sehemu ya juhudi za serikali ya Marekani kulinda afya na ustawi wa wanawake na wasichana na kuendeleza haki zao. Serikali ya Marekani inafanya kazi nchini Marekani na katika nchi zingine ili kusaidia kuwaelimisha watu kuhusu madhara makubwa na ya haribufu ya FGM/C.



Ikiwa wewe:

- Unaamini uko katika hatari ya FGM/C;
- Umefanyiwa ukeketaji;
- Una maswali kuhusu FGM/C;
- Una maswali kuhusu mtu anayefanya FGM/C nchini Marekani; au
- Unamjua mtu ambaye anaweza kuwa katika hatari ya FGM/C nchini Marekani au nchi nyingine;

Tafadhali wasiliana kwa maelezo au usaidizi:

- Simu Maalum ya Kitaifa ya Msaada wa Mtoto Unyanyasaji wa Mtoto: 800-4-A-CHILD (800-422-4453)
- Mtandao wa Marekani wa Kukomesha FGM/C: endfgmnetwork.org

Ni kinyume cha sheria za Marekani kujaribu kufanya FGM/C nchini Marekani kwa mtu wa chini ya umri wa miaka 18, au kuwasafirisha ndani au nje ya Marekani ili FGM/C iweze kutekelezwa. Pia ni kinyume cha sheria za Marekani kwa wazazi au walezi wa kisheria kukubali au kuwezesha FGM/C kwa mtoto mdogo.

Ukiukaji wa sheria unaadhibiwa kwa hadi miaka 10 katika jela, faini, au zote mbili. Hakuna ubaguzi wa kufanya FGM/C kwa sababu ya mila au utamaduni. Kukata na taratibu nyinginezo zinazoumiza sehemu za siri za msichana wa chini ya miaka 18 ni marufuku kwa mujibu wa sheria za Marekani. Zaidi ya hayo, mtu yeyote nchini Marekani anayefanya FGM/C kwa mwanamke mwenye umri wa miaka 18 au zaidi bila ridhaa yake anaweza kushtakiwa kwa uhalifu chini ya sheria ya jimbo.

Ukiukaji wa sheria dhidi ya FGM/C unaweza kuwa na matokeo mabaya kwa hali ya uhamiaji.

Kufanya au kusaidia FGM/C, hata bila hatia ya jinai, I kunaweza kuwa na matokeo mabaya kwa hali ya uhamiaji, ikiwa ni pamoja na kumfanya mkosaji kutoruhusiwa au kuondolewa kutoka Marekani na kutostahiki kwa baadhi ya faida za uhamiaji.